

мыслев гомежыно  
са, урсеэз ярат  
многос, <sup>пересе</sup> шай, аи  
ой килез, шайи  
о өз яраты, ача  
моозвёс кылдыны  
и ашоз шилеоз  
ёсыз мексатк

## КИГОЖТОС №2

мвёсыз ошине, с  
Вал шдвёс,



к калыкмысь ке  
ноно. Умөдгел ур  
са, кортгёсгёс  
корттымыса, кор  
дылос коржатк  
ка кариз, кен  
миз. Фуртин ак  
с. дёсынутгёсыз  
зань дёсынутгёс

## Концертын вераськон

1. Тй ке туалазэ валантэм кылъёсын вераськиськоды, мон ортчемзэ валантэм кылъёсын верало.

Сальялась Бекей Семон Варзи вылысь кен басьтэм, шонерзэ вераса, пиез кынояськем. Со мынэм Варзи вылэ куное. Нуэм сьобраз кузьым. Майыг керттылыны нин, тйр ныд лэсьтыны кызьпу. Угось Сальяос Зятча базаре 25-30 иськеме пыдын кут вузаны ветло вал. Отын венъыкез но базарысь басьто вал. Отын шуиллям, кенер майыгез езэн керттыло, тйр ныд бадярлэсь лэсьто. Милям нош тросэз майыг шуонэз но уз тодэ ни, одйг сурым но кенертэк улийсьёс.

Чаль ай дыды, кудзэ-мыдзэ валэкты. Оло хандроз, оло клероз, шуо вунэ-тэмез. Только трос эн вераськы, вунэтыкум гынэ валэкты.

2. Ог жыт ми доры Уддядиос концертэн лыктоно. Возьмаськом, возьмаськом, 12-э мынэ ини час. Директорской шуонзы-а, мар-а? Отчы мыноно кариськи. Шальк-шальк пиналэсь, чебересь пиос. Юасько: «Малы тыл уд жуатйське, ми кадь пересьёс усёмы уг. Уддядиос лыктозы-а, нокызьы но сое тодыны уз луы-а?» Школьникъёслэн дырзы быриз, уल्याно-а, мар-а? «Уллялод дыр» – шуиз одйгез соос пöлысь. Оло 15, оло 25 синъёс учко мон шоры. (Бон одйгез пимы пал син вал-а?) Эшшо верасько на «Ми пичи лампаен ке но, клубамы гурез но öй вал, тылын люгытэн шудйськом вал. Кытын вал али таёе клуб?»

Таёе кыд бергэм адымиез кин косэ на клубе потаны? – малпало луоз. Калыкен адзйськем потэ уг. Адымиосыз но уд тодма ни. Озыы вераса кошки. Уддядиос кема öз улэ ни, вуизы. Ну шулдыр но шулдыртйзы, туж быгато. Милям но кыёе ке но, арган басьтйзы клубамы, электроен пе шудоно. Кулий ке, арганэн келято шуисько вал, табере бон быдэс клубен валче вайытэк уз луы, борддоре шнурен лэзёно уг. Толалтэ бон умой луоз ини, лымы трос, öжыт лёгалозы, мыным клубе репетицие потаны. Гужем ке, вож гуждорме быдтоз.

Та люгыт дунне вылын сю аресэ тырмытозь ке но улэме потэ на вал. Даур воштйськоз, сое но адзем потоз. (отчыозь сю арес уд луы али).

Ураммес быроз шуо. «Мынам татысь нокытчы кошкеме уг поты», – шуисько.

Одйг пол уксьёз чурытасьмы (экономист) шуэ: «Кошкод, посёлоке (центральной отопление) шунтйсь лэсьтйзы ке». Одйг бадзым гурез ке пе эстйськод, вань гуръёс пе зырдало. «Мыно-мыно» – шуисько. Эк бон дась шунтэм корка пушкын, пу вандонэз, пилёнэз, пыртыса эстонэз уз луы.

Пудо уд ворды ни, йёлын, вёйын сюдозы. Шуныт гур вылам гачоло выдыса, пыдъёсме сэндрае тырыса, волдэт пульёсыз лыдзёса кыллэ ини. Кино, концерт возматон интыысь чебер кыз возматонэ потй. Отын ожит гынэ люг-люг пота бордор бордын, оло корт гур ошиллям, со люг-гытъя нылъёс, пиос берыкъясько. Ми кадъ пересьёслы бон пеймыт потэ ини.

3. Куддыръя мунчое пукыны черсонэн потаськом вал. Чернила посудаез лампа кариськом. Лемта интые кужез<sup>111</sup> понйськом. Пиос ымазы зюзыса карасин вайыса поно вал. Черсэм выллем бон ум черсьське вал ини, шудыса.

Война дугдэм берегес адымиослэн сиськон вакытазы жымиськод ке, «чаль сиськыны пуксы» шуись ой вал. Кудйз кышка вал дыр сиыса быдтоз шуыса, кудйз возъдаське вал дыр. Сионэз аламаись. Ми огпол асьмес но возъдаськыса пызь шуккем шымес воштйм. Бон али колхоз кунян сюдйсьёс куняньёссэс кисален сюдйськом пе. Со кисалез азьло адымиос сиизы, (болтушка) шуиськом вал.

Улыса-вылыса нянь сиыны кучкем бер. Собере пыриськод ке чарка мычыны кучкызы.

Али калтыртыны потйськод ке, чаен сектало. Чай сектасьёс асьсэос утыр малпало дыр, песокез трос тырыса чайзэ кузыт кароз. 1 чашаен гынэ кёт уг тыры, 5-6 чашатэк. Соин ик калыке калтыртыны дйсьтоно овёл ни. Клубе коть потоно ни.

Мон пичи кылме шеро ай. Первой ик ваньдэс зечкыласько асьтэлэн, колхозникъёслэн празникенызы. Сйзисько ваньдылы шудбур, тазалык, азинлык, тупаса улон семьяяды но уж дурады.

Ми пересь мылкыдоосыз концертэн ветлйськом. Вуиськом угось зуч гуртэ но. Зучъёс пе шуозы: «Со пересьсэс сцена вылысь кыскаса васькытъяно ни». Зучъёс весь зйбизы удмуртёсыз. Удмуртёс весь кышказы зучъёслэсь. Зуч гуртэ Лутохае гынэ мыныса но, вотянка шуо. Соин ик угось пычаз кышкан, возъдаськон. Удмуртёс городэ кошко но, асьсэ кылынызы вераськыны возъдасько. Бигеръёс некак ас кылзэс уг кушто. Шумпото эшшо соослэн кылынызы ке вераськиськод. Лутоха школа гынэ но ляб дышетскисьёсыз весь удмурт школаос вылэ погыльтэ вал. Дубровской но Колошурской. Табере котыр 5 дыр. Табере ке верано вань кивалтисьёс удмуртёс луизы. Нылпиос зуч кыл тодыса школае мыно. Нагорной Карабахъёс сяин ум жугиське дыр ук.

111 Кудель, пакля.

Калыкен верамзэ пуны утоз, кион сиоз. Кыззы ке урам ёросэ но монэ кӧня ке ар чӧже капка аязз пудозэ ваемысьтым «Собака лаёт, ветер дуёт» шуиз. Угось колхоз бусые пазыгисько пудоосмы. Мон пудо пумите ветлымтэысьтыз зурисько.

Калыкын бон ми пересёс туж ямсыз но адзиськиськом ини. Сингёсмы пичиесь. Ми пичиесь дыръя трахова вал уг. Пичиесь ке пичиесь но, адзӧнзы быре ини, йырмы клероз луэ. Номыр но йыре уг кылы ни. Огпол шуиз монэ одйг адыми «пуньырзем ымныр!»

Ми асьмелэсь атаймес гынэ но огпол «Атай, тон адыми пӧлын туж ямсыз адзиськиськод», – шуиськом. Виктор «шузиос» шуэ.

Бон адымиез тйрен-пуртэн лэсьтыны уг луы. Тйрен лусйыса, струганы ке лусысал. Только тйрен лэсьтиське но ваньмыз огкадесь өвӧл. Конешно, телевизорысь асме ачим адзи но дэйми. Чеберез ымныр тусъя гынэ уг верало, адымилэн сюлмыз чебер мед луоз.

Огпол Голышурмае мынйсько, азым мукет сюрес вылтй Чумолё пиос пото. Одйгез пи шуэ: «Учке али, учке! Кыче маскара кад адыми лыктэ, йырыз пичи гынэ, чыртыез вакчи гынэ!»

Милесьтым пичи гынэ ураммес вераса, будйсь нылпиос, внукёсмы ваньмыз зуч луылэмын. Котовъёслэн 4 кузя, Никоновъёслэн милям али 5, Усольцевъёс 5 кузя кошкемын. Соослэн нылпиоссы веть удмурт уз луэ ни. Пор Воваослэн Машазы гуртэ пе куриське удмурт кылын вераськон понна. Урамысьтымы Петровъёслэн нылъёссы оло 3 аресысен зуч сяин вераськыны быгато ини. Городысь бертэм нылпиосмылэн нылпиосынызы шудыса дышыло.

Тйни озы быдэс гуртэз ке верад, кӧня люкасько соос ваньмызлэн 3-4-5 нылпиосмы кошкылэмын.

Эшшо «мон неграмотной» шуисьёс удмурт кылэз дышетсконтэм понна заявлени (куриськон) сётыло. Кыззы озы аслад кылыдлэсь безод?

Милям дядяймы Ладё Алексей гынэ но шуоз вал «Малы кулэ удмурт газет?», лыдзыны секыт. Самой со секытэз ик шол узыр шуо. Огшоры өвӧл дыр, арнялы 1 пол телевизорын удмурт кыллы дышетыны кучкызы.

Эшшо шуоз вал «Та удмуртёслэн кырзәнъёссы жожесь гынэ». Малы жожесь уз луэ? весь курадзыса улйллям, улймы. Ми будон вакыт но война учыраса чик шулдыр мылкыдо кырзәнъёсыз өм кырзаллялэ.

Тйни соин ик фольклорной коллективъёс кылдытэмын, азылозэ тодэ вайыны. Али будйсь пиналгёслэн зуч кырзәнъёсызгес кырзамзы потэ.

Удмурт кырзәнъёс но поттылйсь удмурт поэтгёс, композиторгёс кылдыло ни. Радиоысь кылыса виль кырзәнъёс вӧлмыло ини гуртгёс вылэ.

Мынам сюр анае шуоз вал, война вылын вал со. Зучез но, бигерез но, удмуртэз но уд тодма ни, паймоно вал. Озы ик луиз умой вылэм коть 3 кылэз тодысал ке бигерэз но.

Зечъяськыку, здравствуйте! зечесь-а? исаммысыз?

Первой верало кыл сярысь.

Кыл со пичи гынэ но, котьмае ворме. Ымысьтыд поттйд ке анлэсозяд<sup>112</sup> уз вуы. Нош солэн кужмыз туж бадзым. Кыл луэ уродэз, зечез, капчиез, секытэз. Зеч но капчи кыл адымилэсь сюлэмзэ небзйтэ, бурдъяськытэ, войнаез дугдытэ. Урод, секыт кыл адымиез зйбе, даже гозы йылэ жутэ, вие, война жутэ. Одыг кыл пөртэм валан сётэ. Одыг адыми эшсэ мыныса ул, мон тонэ суто пе шуэ. Кыл сярысь туж трос вераны луоз. Кылгёс туж трос пөртэмесь: зуч, удмурт, бигер, пор но трос, трос. Эшез тылын сутоз кожаса, мыныса уйлсез бызе пе<sup>113</sup>.

---

112 Анлыозяд.

113 Татын Мария Павловналэн верамез потэ вал, сутыны кылэз уйпал удмуртгёс тылын сутозы шуыса валалозы, пе, нош лымшор удмуртгёс мукет сямен. Повышение квалификации ветлыкуз, дышетйсьёс пöлын сыче шоккетон вылэм.